



REXISTRO XERAL DA XUNTA DE GALICIA
REXISTRO DA DIRECCIÓN XERAL DE MOBILIDADE
SANTIAGO DE COMPOSTELA

Data 15/09/2017 13:42:54

SAÍDA 2375 / RX 1290388



FEGATRAMER
C/ Laverde Ruíz, 6 – Entreplanta
15702 – Santiago de Compostela
A Coruña

Subvencións para a formación no ámbito do transporte por estrada en Galicia

Asunto: notificación resolución

Expediente: FT-2/2017

Interesado: FEGATRAMER (G15086358)

O día 15 de setembro de 2017, o director xeral de Mobilidade, Ignacio Maestro Saavedra, ditou unha resolución que literalmente di:

“ANTECEDENTES

Primeiro. No *Diario Oficial de Galicia* n.º 102, do 31 de maio de 2017, publicouse a Orde da Consellería de Infraestruturas e Vivenda do 10 de maio de 2017, pola que se establecen as bases reguladoras para conceder axudas para a formación no ámbito do transporte por estrada en Galicia, e se procede a súa convocatoria para o ano 2017.

Segundo. Ao abeiro da indicada convocatoria, o interesado sinalado no encabezamento formulou a súa solicitude en prazo, e remitiu a documentación requirida na norma para poder ser beneficiario.

Terceiro. O 07 de setembro de 2017 emitíuse o informe coa valoración das solicitudes admitidas, e consonte con este o 08/09/2017 o órgano instrutor formulou proposta de estimación da solicitude do interesado.

FUNDAMENTOS XURÍDICOS

Primeiro. A persoa titular da Dirección Xeral de Mobilidade é a competente para resolver as solicitudes de axudas para a formación no ámbito do transporte por estrada en Galicia, de acordo coa delegación outorgada ao seu favor pola conselleira de Infraestruturas e Vivenda no artigo 10 da Orde do 10 de maio de 2017.

Segundo. O solicitante cumpre os requisitos previstos na orde de convocatoria para ser beneficiario, e a súa solicitude axústase ás previsións da Lei 9/2007, do 13 de xuño, de subvencións de Galicia e á súa normativa de desenvolvemento. Xa que logo, e á vista do contido do expediente, do informe de valoración e da proposta formulada polo órgano instrutor, considérase axeitado o outorgamento da axuda.

De acordo con todo o indicado, **RESOLVO OUTORGAR** a FEGATRAMER (G15086358), unha subvención total máxima de 79235,68 euros, con cargo á aplicación orzamentaria 08.02.512A.481.1, para executar o plan formativo de acordo coas condicións que foron comunicadas por esta entidade, e cuxa relación de cursos se recolle como anexo desta resolución.

O beneficiario asume as obrigas establecidas con carácter xeral nas bases reguladoras e na normativa de subvencións, e especificamente as previstas no artigo 20 das bases. De acordo co artigo 4.3 das bases reguladoras, esta axuda será compatible con calquera outra outorgada por outros departamentos, administracións ou entes públicos ou privados, nacionais e internacionais.

De acordo co disposto no artigo 19 da orde, o 31 de outubro de 2017 será o último día para presentar a documentación xustificativa das accións formativas realizadas ao abeiro desta convocatoria. As entidades beneficiarias deben xustificar as actividades formativas subvencionadas achegando a documentación que se indica no artigo 19.2 das bases reguladoras, dentro do prazo mencionado.



ANEXO QUE SE CITA:

Solicitante	Cursos	Horas	Nº de edicións
FEGATRAMER	FORMACIÓN CONTINUA CAP 35H	35	12
FEGATRAMER	TACÓGRAFOS E TEMPOS DE CONDUCCIÓN E DESCANSO	5	2
FEGATRAMER	TRANSPORTE DE MERCADORÍAS PERIGOSAS - ADR	18	4
FEGATRAMER	TRANSPORTE DE MERCADORÍAS PERIGOSAS - ADR	36	2
FEGATRAMER	CONSELLEIROS DE SEGURIDADE	36	1
FEGATRAMER	NORMAS E LEIS RELACIONADAS CO TRANSPORTE	5	1
FEGATRAMER	NORMAS E LEIS RELACIONADAS CO TRANSPORTE	10	1
FEGATRAMER	NORMAS E LEIS RELACIONADAS CO TRANSPORTE	30	1

Importe total que se lle propón outorgar a FEGATRAMER: 79.235,68 €

